

ხელშეკრულება

სახელმწიფო შესყიდვის შესახებ № 03-20/2

ქ. თბილისი

23.03.2020 წ.

შემსყიდველი: საქართველოს განათლების, მეცნიერების, კულტურისა და სპორტის სამინისტრო, წარმოდგენილი
ეკონომიკური დეპარტამენტის უფროსის მარიამ ტაბატაძის სახით;
მისამართი: ქ. თბილისი, დ. უზნაძის ქ. №52;
ტელ.: 2200 220
საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;
საიდენტიფიკაციო კოდი 202051224;

მიმწოდებელი: შპს „Geovoice“ წარმოდგენილი მისი დირექტორის თეონა ბერაძის სახით,
მისამართი: ქ. თბილისი, ა. ყაზბეგის გამზ. 25
ტელ.: 593 97 79 44
საბანკო რეკვიზიტები: სს „საქართველოს ბანკი“, BAGAGE22
ა/ნ: GE10BG0000000620830700
საიდენტიფიკაციო კოდი: 406046844

ერთიმხრივ - შემსყიდველი და მეორე მხრივ - მიმწოდებელი, NAT200004140 ელექტრონული ტენდერის
აუქციონის გარეშე ჩატარების შედეგად დადებული სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს საქართველოს განათლების, მეცნიერების, კულტურისა და სპორტის სამინისტროსთვის 2020 წლის განმავლობაში ღონისძიებების ორგანიზების (ლუდ ეკრანებით, გახმოვანების აპარატურითა და პრეს ბანერით) მომსახურების (CPV-79952000) შესყიდვა, რომლის დეტალური აღწერილობა მოცემულია ხელშეკრულების დანართში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ჯამური ღირებულება

- 3.1 ხელშეკრულების ღირებულება შეადგენს 123 210 (ას ოცდასამი ათას ორას ათი) ლარს.
- 3.2 შესყიდვის ობიექტის მახასიათებლები და ერთეულის ფასები მოცემულია დანართი №1-ში.
- 3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმადგადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება განხორციელდება ეტაპობრივად, ფაქტიურად გაწეული მომსახურების ღირებულების შესაბამისად, მიღება-ჩაბარების აქტის გაფორმების საფუძველზე.

4.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

4.4 წინასწარი ანგარიშსწორება არ გამოიყენება.

4.5 დაფინანსების წყაროს წარმოადგენს "განათლების, მეცნიერების, კულტურისა და სპორტის სფეროში სახელმწიფო პოლიტიკის შემუშავება" (კოდი 32 01 01).

5. შესყიდვის ობიექტის მიღება-ჩაბარების წესი

5.1 მომსახურება ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 პუნქტის 8.2 ქვეპუნქტით განსაზღვრული კონტროლის განმახორციელებელი პირის დასკვნა.

5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სტრატეგიული კომუნიკაციის დეპარტამენტის უფროსი ეკა კვიტაშვილი ან არ ყოფნის შემთხვევაში შესაბამისი უფლებამოსილი პირი.

6. შესყიდვის ობიექტის მიწოდების ვადა და ადგილი

6.1 მომსახურების გაწევის ადგილმდებარეობის შესახებ ინფორმაციას შემსყიდველი ორგანიზაცია მიმწოდებელს შეატყობინებს ღონისძიების დაწყებამდე არანაკლებ 2 დღით ადრე, ღონისძიებები შესაძლოა გაიმართოს როგორც ქ.თბილისში, ასევე მის ფარგლებს გარეთ. შესაძლოა ერთდროულად გაიმართოს რამდენიმე ღონისძიება.

6.2 მომსახურების გაწევის ვადაა: ხელშეკრულების გაფორმების დღიდან, ეტაპობრივად, 2020 წლის 31 დეკემბრის ჩათვლით, შემსყიდველის მოთხოვნის შესაბამისად.

7. მხარეთა უფლება-მოვალეობები

7.1 მიმწოდებელი ვალდებულია:

7.1.1 გაუწიოს შემსყიდველს ხელშეკრულებაში მითითებული მომსახურება წინამდებარე ხელშეკრულებით გათვალისწინებულ ვადაში. იგი პასუხისმგებელია გაწეული მომსახურების ხარისხზე;

7.1.2 შემსყიდველის მოთხოვნისთანავე დაუყოვნებლივ, საკუთარი ხარჯებით აღმოფხვრას მომსახურების ხარისხთან მიმართებაში გამოვლენილი ნებისმიერი ხარვეზი, ასევე, საჭიროების შემთხვევაში უზრუნველყოს მომსახურების გაწევისთვის საჭირო ეკრანების შეცვლა ახლით.

7.1.3 უზრუნველყოს ტექნიკური მომსახურება, გამოსახულების გამართვისთვის საჭირო სამუშაოების ჩატარება, გახმავანების აპარატურის გამართვა, პრეს ბანერის ბანერის ბეჭდვა და ღონისძიების ადგილზე მიწოდება, მონტაჟი და დემონტაჟი.

7.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

8.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 შემსყიდველის მხრიდან ხელშეკრულების შესრულების კონტროლს განახორციელებს მედიასთან კომუნიკაციის სამმართველოს მეორე კატეგორიის უფროსი სპეციალისტი ანნა გვეტაძე ან არ ყოფნის შემთხვევაში შესაბამისი უფლებამოსილი პირი.

9. ხელშეკრულების პირობების შეუსრულებლობა

- 9.1 ფორს-მაჟორული პირობების გარდა, შემსყიდველი უფლებამოსილია ხელშეკრულების 6.1 ფუნქტის შესაბამისად ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებული მომსახურების ღირებულების 0,2%-ის ოდენობით.
- 9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.
- 9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.
- 9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.
- 9.5 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაშიცვლილებებისშეტანადახელშეკრულებისშეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.
- 10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთ შეთანხმების საფუძველზე.

11. ფორს-მაჟორი

- 11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვა.).
- 11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.
- 11.4 შემსყიდველისთვის ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.
- 11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2021 წლის 31 იანვრის ჩათვლით, მხარეთა მიერ ნაკისრი ვალდებულებების სრულად შესრულებამდე.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველის მხრიდან:

ეკონომიკური დეპარტამენტის უფროსი

მარიამ ტაბატაძე

მიმწოდებლის მხრიდან:

შპს „Geovoice“-ს დირექტორი

თეონა ბერაძე



დანართი 1					
№	P2 ლედ ეკრანები			1 კვ/მ ღირებულება (ლარი) თბილისში დაგეგმილ ღონისძიებებზე	საერთო ღირებულება (ლარი) თბილისში დაგეგმილ ღონისძიებებზე
	ტექნიკური მახასიათებლები	განზომილება	სავარაუდო კვ/მ რაოდენობა		
1	LED ეკრანის დიოდებს შორის ინტერვალი pixel pitch 2 მმ.	კვ/მ	300	300	90000
	LED ეკრანის SMD მოდული 3 in1				
	LED ეკრანის რეზოლუცია 112896 პიქსელი/კვ.მ.				
	LED ეკრანის ფერების რაოდენობა 16 მილიარდი				
	LED ეკრანის კადრის სიხშირე 3840 Hz				
	ჰორიზონტალური ხედვის კუთხე 160 °				
	სიკაშკაშე არანაკლებ 1200 კანდელი/ კვ.მ.				
	LED ეკრანის სეგმენტის ზომა 500X500 მმ				
გახმოვანების აპარატურა				თბილისში დაგეგმილი 1 ღონისძიების ღირებულება (ლარი)	თბილისში დაგეგმილი 10 ღონისძიების ღირებულება (ლარი)
	დასახელება/ მახასიათებლები	აღწერილობა	რაოდენობა		
2	მიქშერის პულტი (ასევე შეიძლება იყოს ციფრული მიქშერის პულტი)	8-32 არხიანი	1	2000	20000
	გრაფიკული ექვალაჩური		1		
	კომპრესორი ორარხიანი		1		
	ვოკალური ეფექტ-პროცესორი		2		
	მინი დისკის აპარატი		2		
	CD დისკის აპარატი ან ლეპტოპი		2		
	დისტანციური მიკროფონი	600-900 მგპერცი	5		
	უკაბელო თავზე დასამაგრებელი მიკროფონი ელ.კონდესატორული თავაკით		2		
	უკაბელო თავზე დასამაგრებელი ვოკალის მიკროფონი		2		
	კროსოვერი აკუსტიკური სისტემისთვის ან ინტეგრირებული აკუსტიკურ სისტემაში	სამსიხშირიანი	1		
	აქტიური აკუსტიკური სისტემა: დაბალი სიხშირის დინამიკები 18" დინამიკით, სატელიტ დინამიკები, 15" და 1" კომპონენტებით	5-12 კვტ 137-141 dB	1 კომპლექტი		
	მიკროფონის დასადაგმი		2		
	საკომუნიკაციო გაყვანილობის კომპლექტი		1		
	აქტიური მონიტორული სისტემა სცენის გახმოვანებისთვის		2		
	ტრიბუნაზე დასამონტაჟებელი მიკროფონი		1		
პრესბანერი				თბილისში დაგეგმილი 1 ღონისძიების ღირებულება (ლარი)	თბილისში დაგეგმილი 10 ღონისძიების ღირებულება (ლარი)
	ტექნიკური მახასიათებლები	ზომა			
3	რკინის კონსტრუქციის დასადაგმი პრეს ბანერი	4.5x2.78		1021	10210
თბილისის გარეთ ტრანსპორტირება					
4	ტრანსპორტირება თბილისის გარეთ	განზომილება	სავარაუდო კმ.-ს რაოდენობა	თბილისიდან ღონისძიების ჩატარების ადგილამდე ყოველი 1 კმ-ს ღირებულება	კმ-ების საერთო ღირებულება (ლარი)
		კმ	3000	1	3000

საერთო ღირებულება (ლარი):

123,210.00

საქართველოს განათლების, მეცნიერების, კულტურისა და სპორტის სამინისტროს ეკონომიკური დეპარტამენტის უფროსი

მარიამ ტაბატაძე



შპს "Geovoice"-ის დირექტორი

თეონა ბერაძე